

淮寧縣志卷之十

辛酉科舉人河南陳州府淮寧縣知縣永銘纂修
營建志

淮邑地處窪下古人擇西銘山之麓築城于設險
之義三致意焉今國家承平數百年矣湛恩汪濊
羣生澍濡風之所被罔不披靡顧規制之興廢積
貯之盈虛與夫鰥寡孤獨廢疾之生有養死有葬
皆守土者之責也述營建志

城 延袤九里十三步高二丈四尺堞二千二百十
一望臺四十有九

淮寧縣志卷之十 營建

此係乾隆二十七年知縣汪圻重建規制

東曰明化門西曰平信門南曰孝義門北曰永安門
樓三楹二層月城頂有平臺

池 舊深一丈五尺廣一丈有奇外環護城堤明嘉
靖間知州郝璋指揮于三錫復濬視舊深廣加十之

三

州城卽古陳國也九域志云陳胡公所築太平寰
宇記云楚惠王所築水經注云城南郭裏有淮陽
城子產所置也漢高祖十一年以爲淮陽國杜氏
通典亦云漢淮陽郡故城在陳州宛邱縣西南寰

宇記又云陳州城枕蔡水周圍三十里今蔡水實由城北大折而東自漢以後修築莫稽今城乃繇東右徙者東堞卽古西闔以東南一隅猶存仰瓦外抱跡爲證城中十字街形勢隆聳識者指爲西銘山之麓明洪武定中原尋幸汴駐蹕於茲命指揮賈齊等守焉辛亥指揮陳亨重繕周甃以磚延袤七里奇高三丈趾廣五丈五尺頂廣不及址十之三舊有四門東明化西平信南孝義北永安各增甕城四隅各爲角樓並敵臺三十有九堞計二千七百池深一丈五尺廣二丈有奇外環護城

淮寧縣志卷之十

營建

二

堤景泰間樓堞稍圯指揮陳紀新之增巡警舖三十有七隆慶丁卯夏城復圯知州崔南陽指揮賈國楨分葺癸巳復水患頻仍城堞多壞知州胡大成修焉崇禎十五年三月闖賊李自成陷陳城垣燬四門俱焚 國朝順治三年知州趙煒復行修築康熙十四年六月大雨連旬城復壞知州李景雲捐修二十七年知州潘士瑞修砌女牆工未竣而卒二十八年知州王清彥顯珽相繼修葺雍正七年知州林貽熊重修乾隆十四年大水決堤灌城城復圯二十七年知縣汪新請帑重

建至今雉堞猶然完固惟樓稍圯是又急宜修葺者

萬壽宮 舊在關帝廟道光五年十月知縣承銘督同邑紳趙慶雲雷雲漢等就縣丞署舊址改建閱三朋工竣

魁星樓 明時在南城東隅壬午焚燬康熙二十年知州蕭國弼與紳士就舊址重建年久毀壞乾隆十九年生員壬午成等募修邑人李振綱塑像嘉慶十四年知府昌宜泰率紳士趙萬里等重修

鐘樓 明萬曆己亥知州楊堪築于街南後署州事

淮寧縣志卷之十

營建

三

李中立改爲鼓樓遷鐘于西門上己未知州康應乾復移鐘置本處己巳知州張國仁移鐘于東南城樓後懸州衙大門樓上康熙六年知州方于光建于學宮東南後圯道光五年知縣承銘率紳士趙祥雲雷雲漢等捐貲于縣署東之十字街南擇地新建與鼓樓東西相對閏六月工竣其基地則邑人張華玉郭繼禹呈捐有碑記載集文

鼓樓 在南門大街中明洪武辛亥指揮陳亨建嘉慶十一年知縣張世濂重修道光六年知縣承銘率邑紳趙祥雲雷雲漢等復加修葺乃懸鼓焉

縣署 照牆一座頭門三間東西轎房壯班房各三間面西快班房三間面東收糧廩三間儀門三間東西角門各二間大堂三間堂東西庫房五間堂前茶房壯班房各一間站班房各三間東西科房各八間西南驕馬號一座草房十二間堂後爲外宅門門東西房各三間二堂三間堂東花廳三間又東平房六間自東遙南書房三院計二十二間旁廚房六間餘房二十九間堂西花廳三間船房三間爲迴帆小榻嘉慶戊寅知縣劉廣澍題後平房六間前對廳三間各有廊廊西大花廳三間爲蒙慶堂知縣吳元潤題

淮安縣志卷之十

營建

四

堂左平房二間東西各有廂房自堂迤南南北書房九間耳房五間二堂後爲內宅門正樓三間東西廂樓各三間樓東套房一間平房三間迤南平房三間面西耳房三間樓西正房三間又西餘房九間

雍正十二年州治陞爲府治知縣潘廷偉奉文領帑于鐘樓東南建造縣署若門若堂各建如制嗣知縣何登棟建退思堂三間知縣許佩璜于退思堂南建書房三間乾隆十九年知縣馮奕宿捐俸重修越八年署牛埕知縣汪圻售徐姓大房改建縣署逾年又售署東偏蘇氏宅增搆二十二楹爲

賓客居有記列集文

縣監獄 在府署西

縣土地祠 在縣署頭門內東

縣蒲圻殿 在縣署頭門內西

縣馬王殿 在縣署儀門內西

縣丞署 在鐘樓街乾隆十一年知縣馮奕宿縣丞

楊承烈領帑建造正房廂房各十二間嘉慶二十年

奉文移駐新興集舊署漸圯道光五年冬知縣承銘

捐俸改建 萬壽宮

典史署 在府署西乾隆四年奉文領帑建造大門

淮寧縣志卷之十 營建

五

一間廳堂三間堂前班房二間馬棚二間堂後花廳

三間正房六間廂房三間

千總署 在城西南雍正十年由太康移駐淮寧就

衛千總舊署增建

陰陽學 醫學 惠民學局 俱

僧會司 在大王廟

道會司 在太昊陵

行署

督學試院 照牆一座頭門三間門外東西轅門各

一座鼓吹亭二座門東官廳三間巡捕官廳一間號

房一間門西工房二間廚房三間儀門三間東西角門各一間西支應房三間龍門一座門前東西軍皂房各三間大堂三間左右各有角門東官廳一間支掌房二間圍房一間西官廳一間承差房六間廚房一間堂前考棚三十八間二堂三間左右各有角門東門房三間廚房五間西門房三間禮房書吏房共十間內宅門一座東西書房各三間正房三間東套房二間餘房一間西套房二間書房三間

舊有察院距府治半里今廢後在城西依民宅拓修然皆茅茨土垣湫陋特甚乾隆十年知府崔應

淮寧縣志卷之十

營建

六

階率屬捐俸易以木瓦嘉慶十五十八年知縣焦以潤兩次修葺道光三年知縣劉廣澍詳請續修教場在城北三里基地方圓一頃照牆旗臺各一座中演武廳三間後廳三間東官廳三間西平房六間遇有坍塌知縣隨時修葺

倉廩

府倉在府後街路南廩房四十間乾隆三十年奉文歸縣

常平倉

在舊門內路北城隍廟東廩房七十三間

淮邑舊有預備倉三一在大北關古糧城內相傳

包公監糶處嘉靖間尙有包公古槐樹根廩舍共四十九間一在永積倉東爲預備中倉今廢一在城隍廟東爲預備南倉廩房三十二間康熙二十三

年知州張詰添建廩房二十七間更名常平乾隆七年久雨倉房多倒塌知縣馮奕楨于十年及十八年兩次修整

衛倉今更名在北門內西街廩房三十二間就衛守備廢署改建故名

以上三倉年久漸圯嘉慶元年知縣吳元潤詳修八年知縣蕭鳴復修

淮寧縣志卷之十 營建 七

社倉 雍正二年奉文勸捐九里各有社倉乾隆七年久雨後倉廩多倒塌十年知縣馮奕楨重修

院局

養濟院 在北關草房九間額養孤貧十八名

明初在城北萬歷壬寅知州羅彬重修後知州楊堪以其地隘復增建于北大關年久已廢 國朝

順治十七年知州王士麟依址重建康熙二十九年知州王清彥重修乾隆九年久雨倒塌十年知

縣馮奕楨重建

廣濟堂二座 一在東門內大街草房三十八間一

在舊縣署街草房三十三間共收養貧民一百五十六名

雍正十二年建於東大街前後草房三十間各紳士捐銀一千一百兩交當生息捐置地三十三畝尋撥佃耕種貧民以繼乾隆十七年知縣馮奕宿復倡捐銀一千四百三兩零除銀一千兩交當生息外餘銀在學宮後置買基地修葺草房五十一間爲廣濟堂之貳二十六年復交當剩息作本銀四百兩二十七年知縣汪圻將縣署移建因馮任所建廣濟堂適當新署之衝就舊署廢址構成草

淮安縣志卷之十

營建

八

房移置貧民焉

育嬰堂 雍正十二年建于東大街前後草房八間各紳士捐置地十七畝爲乳婦工食乾隆元年奉文歸廣濟堂支銷今廢

躋壽院 在齊家埠口迤北瓦房十一間收養往來貧病行人無額

雍正十二年建各紳士捐買地三十三畝當瓦房九十間買房十九間其租課備口糧藥餌之費後當房漸次歸贖今實存地四十三畝三分存當生息銀二百四十七兩

義塚

漏澤園 明季兵火白骨山積州牧置此收葬枯骸
近則四鄉均各捐置嘉慶二十一年宜興史致華約
同人于西門外置地十二畝為江南義塚聞者義之